

新會縣志 卷之七
知何處劍作龍飛異昔年浪暖桃花飄赤錦風
清荷葉弄青錢寄言杜宇休調舌容我蠻溪一
夜眠

陳節婦 海晏人

生死榮枯謾自裁此身端不受塵埃非緣白髮
催殘景翻怨紅顏起禍胎管取聲名歸直筆聊
將金石比靈臺芳魂應化春啼鳥一度韶光一

殘景

登高感興

天地有終始人心無津涯浩蕩八極中妍媸相
推排周孔既云遠綱常日已乖擾擾聲利者吞
噬如狼豺似彼採芝老清風孰能儕登高一翹
首潜然傷我懷

聽鶯曲

彭澤縣前烟裊裊五柳庄上多啼鳥金衣何處
遠飛來睨睨一聲江岸曉我有春愁似海深攬

衣搔首倚蓬吟去年故鄉聽鶯早今日聽鶯涉
遠道鶯聲還與故鄉同客况何如故鄉好故鄉
有親老在堂星星兩鬢飛秋霜故鄉有弟多如
簇竹馬紅顏美如玉一度聽鶯一度悲但願年
年無別離

鄧林

皇都大一統頌有序

永樂十八年北京宮殿成明年春正月甲子朔

皇上祗率群臣告于

天地 宗廟社稷

御明堂受萬方朝賀天下一統基業萬年神人

胥慶頌聲交作臣草茅下士詞華末流言不

足以揄揚盛美顧不勝螻蟻微衷謹撰四百

一十六字為

皇都大一統頌拜手稽首俯伏以獻其詞曰

天作神京山河鞏固

聖皇宅之永隆寶祚

大明啓運定鼎金陵

皇上繼統再營北京維彼金陵俯臨淮甸

龍飛渡江洪基肇建維此北京冀域堯封

龍潛舊邸王氣所鍾昔在

太祖心存北顧允惟

聖皇是簡是付

聖皇文武謨烈祗承聿追來孝聿觀厥成歲在

丁酉星中營室正于四方元龜告吉工師勅

力山川獻材四方和會庶民子來爰法天經

爰因地義斷自

宸衷率由舊制廼營三殿三殿堂堂乃立九門

九門將將乃築園丘乃除方澤

父天母地于焉昭格乃嚴

廟社乃定市朝規模位置秩焉有條

龍樓中岫鳳闕前峙禁城萬雉邦畿千里乃

廊阿閣玉戶金鋪燁然壯觀偉矣宏模府第
星羅廬井櫛比萬景一新兩京駢麗歲在辛
丑告厥成功元日甲子

帝御九重虎衛嚴宵鷄人報曉雨露頒

恩絲綸下詔萬國執玉八蠻貢琛天下一統臣
民同心洪惟

聖皇與天合德營此北京象彼北極維北有極
環拱衆星維北有京包舉八瀛洪惟

聖皇德備神武郡縣南交衣冠洪惟

聖皇德備聖文六合為家一視同仁拜手稽首
聖皇萬壽與天同長與地同久拜手稽首

聖皇萬年博厚配地高明配天日月貞明山河
帶礪

聖子神孫本支百世簡編有紀金石宜鐫臣作
頌章永世其傳

題畫三首

新會集詩 卷之七
秋山風月有餘清秋水船如鏡裏行此景別來
今十載畫圖相對不勝情

東風吹暖入荷衣忽憶家山笋蕨肥功業未成
玄鬢改他鄉雖樂不如歸

羅浮仙子玉無瑕醉我東鄰賣酒家夜半夢回
人不見空餘斜月照梅花

送客還鄉

月風吹鴈鴈南飛有客懷鄉逐鴈歸我欲從之

鷗羽翼黃金臺下立斜暉

題畫送客歸五羊

數椽茅屋鎖烟霞君住蒼崖第幾家賣藥修采
歸去晚東風開遍碧桃花

過伍允迪家醉後題墨菊

三徑歸來已就荒賞心無奈負重陽因過舊隱
看圖畫咲向東籬醉一場

賜觀燈詩二首

月影移宮扇燈光燭 御筵魚龍呈百戲笙鶴

會羣仙花發連枝樹人遊不夜天 欣共樂

萬壽祝 堯年

弱水環瓊島星橋駕碧虛 九重天近處一歲

月圓初勝景看逾好新詩畫不如微臣逢盛事

獻頌愧才疎

碧巖圖

碧巖聞說類方壺今向東風看畫圖峯頂晴嵐

欲滴澗門瑤草綠平鋪七千里外懷親舍四

十年前歷宦途為問舊時猿鶴侶尋盟還認老

翁無

送趙僉憲

十年簪筆侍鸚行此日承 恩出建章錦詔回

鸞新雨露鐵冠峩豸舊風霜七閩有幸來常袞

四海惟應數范滂去去莫辭行邁遠

九重威德待宣揚

壽盱江黃子純

擘麟為脯兕為觥此日麻姑壽蔡經人入西華
金母籍天開南極老人星蟠桃不許人間種仙
樂還從世外聽安得此身生羽翼也陪尊俎祝
仙齡

病起留別保安諸士

兩鬢西風吹斷蓬杖藜扶病看秋容菊花渾似
詩人瘦山色不如歸興濃紫塞一盃桑落酒影

萬重
幾五夜未央鍾燕鴻岐路東西去此後相思意

憇屋里仁坊

謫居何處好逍遙仁里深深遠市囂夜色滿簾
湖上月秋聲到枕海門潮上林鷓侶空相憶南
浦鷗羣苦見招覆載無私天地闊暫容閑散在

漁樵

春夕旅懷

萬里東風故國情十年幾度鳳凰城
衡陽鴈盡春三月巫峽猿啼夜二更
席上狂言因酒得鏡中華髮為愁生
靜觀富貴如雲轉拂袖歸來任俗爭

樂靜堂為陸羽士賦

蓬門一徑入烟霞云是山陰道士家
除地作壇朝紫極擁爐看火煉丹砂
鵝羣只換羲之帖蟹時烹陸羽茶
我亦入閒無事者故來同賞碧

平 詩

永樂壬寅秋七月大選車徒將校獵
俄報邊城得 謀遂蹂其巢搗其脅
百萬貔貅心力協雷霆震驚電火
山高平步躡飲馬河深投筮涉勢若
長風捲枯葉東突西奔不相攝巨酋
面縛首蒙氎男女為俘淚流頰振旅
班師歸獻捷凱歌四起聲相接旌旗
連雲笳鼓疊萬馬長

新會縣志
卷之七
鳴鼓其鬣風入霜蹄輕蹀躞漠南之山勢截業
回首天雲帖帖秋霜旣嚴春雨浹陰慘陽舒
慎調燮九州四海皆臣妾萬歲千秋隆 帝業

題王牧之所惠墨梅

我家住在大庾嶺之南羅浮山之北萬樹梅花
三畝宅地偏寒盡不知春每傍南枝訪消息偶
來謫官居西湖吟風詠月懷林逋暗香疎影俱
寥落清興不如觀畫圖羅浮山大庾嶺瓊瑤世

神仙境酒熟梅開人未歸新詩題向圖中景
書耕樂堂卷後

人羨田家樂我憫田家苦火雲彤彤日卓午隴
上鋤禾汗如雨我憫田家苦亦羨田家樂百穀
登場蠶上箔鷄豚社酒村村酌田家苦苦有時
田家樂樂無涯但願五風十雨常如期公無負
租私無饑詠歌勤苦樂雍熙萬年上祝吾皇隆

陳琮獻章父

遺興

箕踞長松下忘情白髮新
城市有名利江山惟白雲

漁父詞

前江風順水平流
漁婦移舟折海榴
折得一枝簪綠鬢
怕歸古渡對人羞

山水詞

水何碧雲何黃
漠然真是水雲鄉
水雲鄉
梅灼燦一夜東風盡
開却幽鳥飛來不知去
芳心未許閑偷啄

李承箕書詩後曰嗟夫此古岡樂芸陳公之詩也美哉其遺興乎塵視斯世而不惑者乎漁父之詞華而不逞樂而不淫者乎山水之詞其心休休其迹昭昭其得乎天者多乎是何思韻之深長也年二十七而沒悲夫

陳獻章

松泉畫為別駕張吉題

水流石澗生兩松樹洗耳罇瓢無此佳處幸逢
堯舜那無巢許

示湛雨

有學無學有覺無覺千金一瓢萬金一諾天命
流行真機潑若水到渠成鳶飛魚躍得山莫杖
臨濟莫唱萬化自然太虛何說繡羅一方金針

誰撥

春日

有酒勿酌臨茲山郭亭鎖綠陰鳥啼紅藥天風
扇和野田漠漠緬想良朋巾車靡託

秋日

有酒勿斟橫我絃琴蘿垂幽徑露滴疎林清商
一曲爽氣盈襟夫豈不樂聊阻同心

隨筆二首

人不能外事事不能外理二障佛所名吾儒寧有此

斷除嗜慾想永撤天機障身居萬物中心在萬物上

七賢詠錄二首

羅蒙正

孤高還寂寞道否只詩窮自古皆賢達今人有此風

張撝

城西十日雨病叟得無饑亦有羅希呂厓山賞小詩

讀張主事近稿

雨中月不見雨霽月還多雨被風吹去無風月奈何

畫扇題

張帆海上迴帆罨鐵橋樹驚起白蝦蟆跳上飛

臺灣國家圖書館 NATIONAL CENTRAL LIBRARY TAIWAN. R.O.C.

雲去

雨後

久雨妨行樂花前望玉臺人間見花樹不似玉

臺開

九日

同俗不同俗山盃映秋菊仍聞席上歌不是人
間曲

麥秀夫于城南小渚中累土結茅居之

一之馬伯幹取酒共醉桃花下各賦詩為

樂秀夫謁予同作附其韻

漠漠春烟淡淡花竹邊孤嶼閣飛霞春江水滿
秋江水更着新槎換舊槎

望白龍池

西望不見崑崙池白龍上天歸何時望中心逐
飛雲去半掛玉臺松樹枝

初晴

新會縣志 卷之七
初晴樓上燕飛飛樓下歌人白苧衣一曲未終
花落去滿林啼鳥送春歸

讀林進士信宜祭母文二首

泪血今朝灑鳳山鳳山原只在人間非閑旅殯
無尋處不與皇華共載還
天涯四尺不封墳一去鳳山三十春莫辭更向
山前問怕有漁樵是異人

黃孝云林進士聞母殯鳳山因奉使

之人各贈之詩及陳子題此林即揮涕
解官歸易布衣以尋乃遇一老指示遂
得毋殯載還林嘆曰好詩千首總不如
陳子二絕登堂拜謝而去

訪山家次韻

清泉煮蕨愛山家夜飲西巖看月斜澗底白雲
留不住半隨紅雨落天涯

過清遠峽

行人初上峽西頭已有心隨下峽舟天下名山
皆可愛夢中慈母不來遊

社中二首

桑麻伐鼓酒如川秋社錢多春社錢盡道昇平
長官好五風十雨更年年
社屋新成燕子來山丹未落野棠開三三兩兩
兒童戲弄水板花日幾回

讀晦菴註參同契

神仙不註參同契火候工夫那得知千古晦菴
粘一語可憐無及魏君時

木犀枝上小鵲

翠裙白領眼中無飛上木犀還一呼乾坤未可
輕微物自在天機我不如

春中雜詩

春寒着莫絮袍輕遊走何山更乞晴夜夢鬢翁
作人拜安知不是白龍精

讀周朱二先生年譜

一語不遺無極老十年無倦考亭翁語道則同
門路別君從何處覓高踪

石門

白髮非公事扁舟進此門山雲寒不雨江路曲
通邨玩世吾何有長途馬不存晚來堪一醉江
月照空樽

飲陂頭

入掩花叢密遵陂石路高柴門過午飯村叟對
醪水白都如練風清不作刀自然五字句非
謝亦非陶

懷古次韻王半山

三逕五株柳孤邨獨板門先生正高卧衆鳥莫
交喧晋宋當時改乾坤此老存手中一把菊秋
色滿丘園

秋夢

新會縣志 卷之七
山斗英魂在江湖秋夢深還將百年泪滴破一
峯心絮酒熏天地金牛恨古今龍泉不挂墓吾
欲殉吾琴

雨坐

風雨坐前楹關關雙鳥鳴正當落花處更作送
春聲大化歸無極斯人樂久生不知川上水
逝幾時停

懷古

皇皇復皇皇開闢到陶唐遲日江山麗春風花
草香問問盡孝弟簡冊無禎祥乾坤十二會已
午在中央

贈李世卿

三尺短春蓑山風吹薜蘿人材非管樂吾道本
丘軻送老諸名岳全生一病窩相思憑寄語路
打祝融過

送客

濃綠新春酒踈紅隔水花官人坐馬醉江路
遶山斜桃李成春徑牛羊散暮沙林泉無
宿客興盡且還家

病中寫懷

世間賢智皆青瑣海上田家只白雲多病
一生長傍母孤臣萬死敢忘君諸公莫要
連章說先帝曾將短疏聞何處擁旌來
勸駕買羊沽酒惜慙慙

子陵四首

誰將秃筆點行藏真有乾坤日月光三尺
羊裘幾銖兩千秋龍袞共低昂客星天上
何須急老脚人間不浪長畱得先生在台
輔不知東漢可

四唐

羊裘不返道終疑玉帛雖來事可知天下
君臣光武召世間膾炙子陵碑故人不改
狂奴態一事堪爲百世師九鼎漢家從此
重聽歌山谷老

人詩

桐江秋水來天地照見千年老鳳還太史直書
形迹外先生猶在是非間交情此去投當宁年
事何勞列從班欲向東吳問遺老江湖容有此
翁閒

先生如此亦天民高坐桐江一水濱却到陵爨
排亂賊方知名節是忠臣白鷗自去江湖遠黃
紙何來道路頻徃徃見人東廡下傷心一代帝

王真

村中即事

山風颯颯聞松花江市日日來魚蝦高田一弓
走獵犬灌木幾株叢老鴉正逢元宵市燈好亦
有雜劇村鼓槌野老西疇急春事長揖縣官歸
縣衙

答梅繡衣見訪

一春烟雨暗荆扉繫馬憐君共落暉酒殘香風

吹月桂硯池清露滴茶縻水中郭索噴皆是屋
上慈烏愛亦非天道不移人自異紅塵飛上釣
魚磯

元夕

欲將斗柄作垂鉤高掛銀蟾照九州

皇帝萬年臨宇宙羣黎無處不歌謳兩間和氣
氤氲合五色卿雲爛熳浮一曲昇平人盡樂光
天林下更何求

偶憶夢中長髯道士用一囊貯羅浮山遺

予戲作示范規

飛雲萬丈來冥冥囊括誰將隻手擎南極回頭
一閣老鐵橋有路中天行山通碧落神明衛地
有丹砂草木靈若個長髯應識我古來真隱不
知名

飲酒

酌酒勸公公自歌三盃無奈老狂何坐忘碧玉

新會縣志 卷之七
今何世舞破春風是此蓑一笑功名卑管晏六
經仁義沛江河江門詩景年年是每到春來詩
便多

次韻張侍御叔亨見寄

月出不扃溪上門白頭漁父向人言扁舟自唱
濯纓曲四海共知明主恩小飲未嘗沽市酒
狂書時復弄茅根相思也有臺官夢夢見當年
住處村

答張內翰書括而成詩呈胡提學

古人棄糟粕糟粕非真傳眇哉一勺水積累成
大川亦有非積累源泉自涓涓至無有至動至
近至神焉發用絃不窮絨藏極淵泉吾能握其
機何必窺陳編學患不用心用心滋牽纏本虛
形乃實立本貴自然戒慎與恐懼斯言未云偏
後儒不省事差失毫釐間寄語了心人素琴本
無絃

和楊龜山此日不再得

能饑謀藝稷冒寒思植桑少年負奇氣萬丈摩
青蒼夢寐見古人慨然悲流光吾道有宗主千
秋朱紫陽說敬不離口示我入德方義利分兩
途析之極毫芒聖學信匪難要在用心減善端
日培養庶免物欲戕道德迺膏腴文辭固糝糠
俯仰天地間此身何昂藏胡能追逸駕但能漱
芳持此木鑽柔其如磐石剛中夜攬衣起沉

吟獨徬徨聖途萬餘里髮短心苦長及此歲未
暮驅車適康壯行遠必自邇育德貴含章邇來
十六載滅跡聲利場閉門事探討蛻俗如驅羊
隱几一室內兀兀同坐忘那知顛沛中此志竟
莫強譬如濟巨川中道奪我航顧茲一身小所
繫乃綱常樞紐在方寸操舍決存亡胡為謾役
役斲喪良可傷願言各努力大海終回狂

贈世卿三首

新會縣志 卷之七
采菊復采菊 嚴霜下庭木 豈無桃李顏 畏此天地肅
落落枝上英 未傷餐者獨 持贈楚人歸 投之江魚腹

元神誠有宅 灑氣亦有門 神氣人所資 孰謂老氏言
下化囿其蹟 上化歸其根 至要云在茲 自餘安足論

上上崑崙峯 諸山高幾重 望望滄溟波 百川大幾何
卑高人揣料 小大窮多少 不如兩置之

子了處了

讀張地曹偶拈之作

拈一不拈二 乾坤一為主 一番拈動來 日出扶桑樹
寂然都不拈 江河自流注 濂洛千載傳 圖書乃宗祖
昭昭聖學篇 授我自然度

登飛雲

馬上問羅浮 羅浮本無路 虛空一拍手 身在飛雲處
白日何冥冥 乾坤忽風雨 蓑笠將安之 徘徊

新會縣志
卷之七
徊四山暮

度鐵橋

一度一萬劫飛空本無鐵何名爲飛空道是安
排絕夜久天宇高霜清萬籟徹手持青琅玕坐
弄碧海月

魯能

送伍上舍寧告還鄉兼柬乃兄縉齋

皇都春暖雪初晴駐馬東郊送客行彈鋏暫

鳳闕掛帆遙指五羊城千林丹荔懷歸夢
里青山帶別情風雨對牀如問我一官今見二
毛生

李謙

正統己巳避寇規岡

長笛亭前遠近村郵亭繫馬對芳樽山收宿雨
雲歸洞岸閣枯蘆水落痕世故炎涼隨處有風
塵荏苒幾家存臨風不用悲華髮戍角一聲還

斷魂

李渭

春日偶題

一帶烟波隔市塵，閑雲野鶴自相親。
坐忘水色山光處，管領千紅萬紫春。
長健難逢惟盛世，追歡最好是芳辰。
宦遊多少滄洲客，數到還鄉第幾人。

譚律

下嶺發舟

西風涼露下輕舟，沙水蒼茫兩岸秋。
天北天南頻極目，白雲紅日近高樓。

黃印

庚午三月聞小警出城呈同年譚郡博仲
和兼呈潘揮使

振衣何事出城遲，泉石年來是故知。
白髮山人歸老日，干城老將得閒時。
謀身於我真成媿，却

今誰不解詩臺省未聞憂治世春風何日到
天涯

途中記事

江山紆目畫中詩吟弄風光只自知穿破亂雲
飛水鳥擘開紅毯見江蘿四時勝境逢春好萬
古驚塵逐世馳芳草天涯歸未得斷腸遊子舊
時衣

區越

許南溟宅賞菊

看花須及未開時莫待離披一片飛宿雨欲勻
新步幃曉風還展最高枝誰家桃李園開宴昨
夜池塘夢有詩九十光陰催着眼芳春那肯負
佳期

鄭銘

白沙祠室

崑崙萬丈來白龍一畝中有仙人宮草色猶餘

新會縣志 卷之七
楚雲碧蓮花別作漁溪紅客星無光塵夢遠鳳
鳥不來吾道窮至今寂寞古祠下薰人依舊自
春風

李翔

濱江即事

種竹爲村近水傍家家初插水田秧應時雨好
園林潤透幕風輕枕簟涼隔墅摘歸梅正熟傍
籬栽處豈初長閒情不共人間世牧唱漁歌愛

夕陽

馬廣生

白沙先生應辟赴京送別

莫怪悲歌起釣磯江湖廊廟兩相違蒼生喜看
清輪至白馬寧知水石非畎畝若無伊尹志塵
埃那上老萊衣一尊就醉江門道萬里蘭橈欲
別時

許炯

山行紀興

千點萬點野花落一聲兩聲山鳥啼記得舊遊
芳草路石橋流水竹門西

皂幕晴嵐

叅天黛色三千丈鎖地烟霞十二重花果園前
無舊路仙風時送一聲鍾

金屋怨

戚戚復戚戚秋風吹瑤席玉階下微霜桂樹花
無色妾本小家女椒房早通籍秉燭侍蘭臺箏
歌遊太液辭輦徒感思當熊恨無力前魚已見
棄篋羽分中藏蒼苔閉金屋歌舞入昭陽袖浥
新啼泪囊薰舊賜香君恩那可再妾情私自傷
願作雙飛燕啣泥向畫梁

黃 龍

舟次七級

春水何消牖令爲柳邊賴有酒家旗呼童甫買

新會縣志 卷之七
他鄉醉又被東風當面吹

家兄分俸歸養

真樂爲俱存先君不待殮養孤人子志寄答太
慈恩小渡哺烏月陽城受業門高堂有默相健
杖點苔痕

人日喜晴

天寒苦久暝一霽爲生靈風掃舊霾障山開新
盡屏獻忠憑炙背俯物見流形何處憂時客

醉未醒

端午夕宿峽江飲同舟諸子

客路憐佳節鳥飛留篆沙茅柴叩野店笑語驚
林鴉拚飲心猶醒放歌帽欲斜莫言蒲饌惡星
斗落孤槎

何孟倫

江門舟夜

前村烟樹落微茫待月聽潮夜未央沽酒人家

在何處竹燈明滅隔滄浪

雨夜

涼風入窓戶翻我讀殘書
葉落苔階寂春閒木榻
虛陰晴看異局伎倆笑迂
儒搔首獨長嘯愔懷太古
初

汨飛來寺

扁舟重過峽山寺老衲相
迎停夕曛寶刹雲深人不
到玉環塵寂事空聞諸山
對峙雙門迥

水中流兩岸分千古依依
名勝地斷崖枯木護閒雲

長相思

洞庭天闊鴈來遲迢遞江
南秋暮時新題錦字光陸
離欲寄幽情無所之長相
思心惻惻楚水吳山杳相
隔青楓搖落夜烏啼風露
冷冷遠空碧

陳吾德

新會縣志
卷之七
八
丁丑元旦

蒼龍初正馭萬國觀垂衣獨有孤臣夢空懸舊
瑣闈年光隨曉箭春色到柴扉旅食真何意迂
踈事事違

和曹明府相祠地白沙遊

水白山青四望開地留名勝昔人裁當歌共入
春陽里把酒還傳碧盃盃雲去隔溪霜葉墜臺
空明月夜烏來千秋祀典公籌度更從籃輿陟

懾迴

削籍書懷

海上田園歸去來片帆風送大河隈白頭好向
吟邊過玄草今從靜裏裁隨處風塵難浪迹浩
歌天地一登臺黃雲紫水春無恙想像茅堂花
正開

余鏜

望飛來寺

新會縣志 卷之七 九十一
此寺既飛來還須飛去否山水一以佳福地自
悠久無住無無住空王默點首

鄭相

別黃一元

驛路柳新發春風人遠行別懷拈未出山閣語
流鶯

感懷

西北是吾廬浮雲尔舒卷不見倚門人空見綴

八線

萱

矚目傷神倍愴然此花曾向北堂妍于今零落
尋處那得忘憂似昔年

九日象山

山九日招搖地萬里秋光縱目餘隔寺烟深

口予背巖寒近菊花初懷賢宇宙情偏迥息

江海鬢未疎莫笑平生閑自放華門猶喜讀

殘書

黃淳曰岡州未有山人有之自文弼始文弼苦而怡窈而清足稱山人

李以龍曰余觀鄭山人文弼詩雅淡閒曠率摠性真脫然氣習聲色之外蓋陶韋階戶也

梁斗輝

佳節巧聯少海辰祥雲璀璨月重輪虹光色動
龍鱗曉雪耦香浮鳳閣春捧日丹心懸斗極瞻
天喜氣溢勾陳欲將金鑑何繇獻目極堯階祝
頌頻

冊立冠婚分封四詠

帝里祥光曙色曦瑤山高映五雲奇少陽已起
中天運萬戶同歡履泰時合殿春回花綻錦青
宮瑞靄露盈芝遙知齒胄風長在應有夔龍集

鳳池

其二

問豎曾聞日幾回
龍樓深處正徘徊
招賢不籍畱侯策
豫教常懸賈誼才
鶴馭風清調玉燭
奠階氣益接蓬萊
微臣更有承華頌
畱對

君王次第開

其三

熙朝燕翼軼成周
元服三加又好逌
一自虎關

來翟第佇看麟趾
叶雉鳩天開社稷
千年運久樂乾坤
萬古秋爲囑它時
簪珥處鷄鳴歌後
謾淹畱

其四

三星歷歷自分明
光燭微垣燦玉京
天上六龍乘日馭
皇家五鳳綴雲英
器凝寶籙繙周鼎
坐擁雄藩定漢盟
百二山河從此壯
好將懷德固維城

加

慈聖徽號 聖駕御朝受賀

句傳僊蹕出慈寧徽號旋加御闕廷宮草春生
迴輦綠龍袍彩動惹爐馨欣逢

壽母來王母喜迓前星拱帝星聞道覃恩詔又
下不知何日到南溟

揚奇珍

黃道姑墓

不向人間怨白頭洞中雲卧幾經秋
旃檀大地春如海一任寒烟伴古丘

梅

昨夜羣真駐玉輿白雲冉冉襲霞裾
天風吹斷仙郎夢萬壑半啣夜月虛

客中九日

白露冷冷碧玉盤黃花裊裊紫霞冠
他鄉此日休辭醉腸斷故山風木寒

庚子季夏勞梁鍾三孝廉吳別駕奉逮比
行愴然有賦

霜飛六月莽生寒病骨那堪強據鞍萬里飄零
餘短劔幾人慘澹惜南冠鄒陽梁獄書堪上李
白潯陽淚未乾慷慨侍臣爭折檻書生名已動
長安

李之世

文昌宮

雲洞清虛府天街白玉堂山河扶繡拱星斗煥
宸章獨攬中峰色還依帝座傍碧桃千萬樹偏
絕露華香

李真人廟

空傳墜履跡猶想瓊芝顏古廟無人到蒼苔一
逕閒雲陰餘落日秋露滿空山何事令威鶴千
年殊未還

元峯道士山房

羣峰望不極一室迥清虛莫是化人國真成靜
者居巖花細繞徑澗水寂通渠我亦雲中侶來
叅方外書

送龔學博

笑向明時早挂冠投閒應藉主恩寬三年作
吏羶長冷九折回車路亦難歲月已憐新鶴髮
江湖終戀舊漁竿黃雲絳幄談經地桃李陰陰
春雨寒

登東山閣區彥光攜酒至留宿

層崖翠削倚青葱磴道千盤曲抱空畫棟連雲
疑結蜃飛流如練駕垂虹香林自鎖烟霞色寶
地長開日月宮萬里憑高一回首西風蕭颯起
冥鴻

真人菴

海上真人去不迴千年陰洞鎖莓苔風前尚想
朝天舄雲氣長封禮斗臺玉乳時從暗澗落琪

新會縣志 卷之七
花偏傍石壇開紅塵擾擾仙都遠日暮空山猿
鶴哀

葉菁

新春寫懷

習靜觀空萬慮消旁人休更說蕭條塵居自覺
閒為上世態誰憐賤轉驕花鳥當春勞杖屨溪
山隨意伴漁樵十年奔走何為者敝盡先人篋
裡貂

重九後訪玉臺道人

節過重陽興未闌杖藜時復叩黃冠石壇揮塵
丹書古澗樹挂瓢碧溜寒孤鶴似辭緱嶺至片
雲長與道人看紅塵一壘三千頃九轉何因生

羽翰

藝文

外集

元

余觀國

招撫江南航海至新會八首

星斗文章夜不昏
茫茫渤海浴乾坤
白榆風緊南溟闊
析木天晴北極尊
龍駕有時超廣漢
驛車何處轉崑崙
九州之外疑無地
誰信歸虛有

臺灣國家圖書館, NATIONAL CENTRAL LIBRARY, TAIWAN. R.O.C.

一門

紫禁朝回響玉珂飛舡南去壓鯨波星移華表
神君格風滿靈旗使者過山戴六鰲連翠水橋
成烏鵲限銀河高秋冷落佳期近行賦彤弓湛
露歌

英節光華下九天旌旗簫鼓滿樓船詔啣彩鳳
來丹穴駕引蒼龍出紫烟徐市定逢滄海曲安
期只在白雲邊從君學取餐霞法歸向玉皇香

案前

伐鼓鐸金海上來扶桑雲氣接中台龍堆自捧
天心月鼉作疑聞地下雷陰火凌波光閃爍雪
山傾浪白崔巍冷然幾欲乘風去如對天中積
翠臺

神遊八表出雲間萬斛龍驤任往還縹緲金河
連弱水微茫雲海望神山珠宮隱浪霞千疊玉
宇浮眉翠一彎應向瀛洲翔步武赤霄雲渚更

躋攀

風連西極快搏扶溟漲端倪啓壯圖獨抱圓珠
遊貝闕驚飛紫鳳舞天吳雲間帝子今安在海
上房陀知有無惆悵天涯芳草綠不堪回首聽
鷓鴣

詞官傳詔出清朝江廣弓旌遠見招翡翠不過
銅柱塞舳艫猶載赤城標馮爨起舞鳴鼉鼓羸
女歸來按鳳簫每念仙期共轆轤玉京銀渚瀾

迢迢

滿帆萬里駕長風雲水兼山一境通夜接飛仙
餐沆瀣曉乘元氣播鴻濛凝眸陰洞歸雲黑晞
髮河陽浴日紅好待皇華行復命琅玕寫獻大

明宮

明朝

羅

倫

永豐人

答陳公甫

新會縣志 卷之七
青天回白首霞外送冥鴻沙界無窮樹霜空見
此松 君王畱一劔老病息孤蓬試問雲臺趣
農談信野翁

又答九日韻

大地秋風動萬竅無定音山河孤鶴夢風雨一
龍吟青眼有此客白雲何處心思君令人老華
髮一千尋

黃仲昭 莆田人

送陳公甫南歸

考亭遺跡久荆榛風度真堪繼後塵千載武夷
人仰止羅浮從此共嶙峋

莊曰景江浦人

贈陳公甫辭 朝歸養二首

經濟淹畱雪滿簪先生那許老山林 九重眼
見朱熹跋一表天知李密心毋日西山看漸薄
君恩南海不如深蓑衣它日滄江上莫放孤舟

不可尋

白沙先生海表深

生貞節堂聯母報天將定君恩

百年吾道在東周天下斯人豈易求
誰爲齊王留孟子自知堯舜有巢由
鳳凰氣象終千仞北斗光芒共九州
萬里東南溟海闊蒼生何處問
乘桴

讀陳白沙詩集四首

飛雲一卷迺中來上有封題是石齋
喜把炷香焚展讀了無一字出安排
爲經爲訓真誰識非

謝非陶亦浪猜何處想公堪此句絕無烟火住
蓬萊

天然無句是推敲詩到江門品絕高
幾處風花真有此古來周邵本人豪
冥心水月誰堪會浣手山泉我自抄
讀到鳥啼春在處江山垂老覺
神交

海上千峯閣病輿
傍花隨柳意何如
老誰靜裏都無事
笑此山中亦著書
皇帝玉霸銷紋裏
乾

詩集卷之七
坤今古笑談餘我看此意終誰領略與人間一
破除

才力凡今我與翁百年端許自知公橫渠老筆
雖終勁周子通書自不同南海巨觥都水月卧
林狂句也溪風酒杯更許何時約爛醉羅浮四
百峯

張元禎 南昌人

奉寄陳白沙先生

有著真無妙無含萬有粗溺無寧有有泥有定
無無口禁痴前夢身勞醉裏扶若鳥逢有道細
與究圖書

鄒智

讀白沙先生詩

皇玉帝嵬一蒲團落盡松花不下壇豈是江山
制夫子祇緣夫子制江山

京師事智自知之但先生所處是陳太

丘柳士師以上規模晚生小子脚根未
穩不敢授以爲例耳然亦當善處之計
不至露圭角也

章懋蘭溪人

贈陳公甫南歸

沫泗迥且深伊洛浩不息建溪一以逝淵源遂
湮沒浙水泛功利西江浸虛寂漂淪二百年末
流靡終極明經取青紫滔滔不知溯誰哉障狂

闢爲我存一脉有美羅浮仙金聲玉爲質巖栖
四十春遺編自探索章上用非我心鏗然只鳴瑟
寤寐千載人今古如一口興喪天豈知棄捐吾
自失負重道路長行行俱無數安得辭世紛雲
山隨杖舄共對梅花春細問先天易

唐順之昆陵人

贈黃子晦歸新會

教授黃彥之子

黌舍相逢憶聚星予慚入室爾趨庭子長能繼

先人業王吉曾乘博士經萬里風烟還命駕廿
年蹤跡已如萍衰頽重感青衿日一笑尊前喜
媿并

吳廷舉

古岡即事

石尤吹海晝颼颼鬢畏欲兩濤變二毛 北極朝
陽丹鳳杳南溟曉月白龍高乾坤消長看周易
身世浮沉寄楚騷牆外子規啼不住也應況我

日焦勞

何廷仁 寧都人

夜宿江門

春風遙坐一孤篷夜宿南山十二峯碧玉樓明
星斗迥江門波動海天空酒酣按劍心猶壯月
落聽潮意自慵欲躡天風尋舊隱芒鞋遙憶鹿
門東

李承箕 嘉魚人

臺灣國家圖書館, NATIONAL CENTRAL LIBRARY, TAIWAN, R.O.C.

留別石翁

歲暮鄉關思不禁
世情何事去來深
孤舟纔破江門浪
一種都無世上心
歸路却愁詩有債
行纏誰怕索無金
憑君莫話黃雲勝
水遠山長何處尋

薄暮登飛來寺次石翁

佳景留人晚亦留
本來心不解悲秋
未嫌列炬驚猿鳥
只恐高風去馬牛
老屋都無烟火氣
先

生端為利名休
白沙門第山靈識
不用山僧問所由

林光 東莞人

露坐和半山韻

滴露凝踈竹
香風迤遠荷
科頭南海月
絕耳虎門波
僻地棲來慣
清宵得處多
老懷涼不寐
聽得採蓮歌

沈亨 晉江人

別諸生勸學

臨行相語莫相疑，為赤為丹一素絲。
岐路方宜防失足，源頭仍看本清時。
道宗東魯風光遠，步上秦巖雲樹低。
會見江門江月曉，而今只誦白沙詩。

自宜山歸舟泊五羊會寧諸友相繼送別

賦此贈之

銜恤登江岸，孤征千里心。
荷君纏綿意，遺我雙

南金。秋月寒潭在，臨別寄徽音。
去去關山迥，隔天雲樹深。
行間忽驚呼，將雛鳥在林。

林應驄 莆田人

詠嘉會樓

徵書迢遞下，林立一見君。
王便乞休令伯可，能忘菽水漢家終。
不屈羊裘簾開山，色年年綠月落江聲夜。
夜愁出處於公真，勘破畏途元不似滄洲。

蕭端升 潮陽人

陞任瓊海溫仁仲李應叔陸裔思送子規
岡驛臨別賦此

未忍分離去移尊更遠將同舟非李郭立雪儼
游楊進棹防潮落乘流遡月光相期共登岸白
日海天長

謝與思番禹人

同諸君遊圭峯寺時重九後二日

絕巘懸雲峻禪宮拂斗迴藤緣芳逕入石溜鏡
池開樹鬱千章合花涵百和來城陰飄磬鐸海
氣澹樓臺節過茱萸候歡深竹葉杯人天忻賞
地俱屬郢中裁

送黃寧海南還

四年爲令兼愁病此去愁除病也無結侶漁樵
君計得側身天地我形孤丹楓寺古迷秋雨白
露城高散夜烏預擬移家傍三徑買山何處覓

青蚨

按誌修始己酉春王令公入計日速而未
備嗣后李先生棄去幾閣黜甲寅迺自取
而芟剔緝綴且坦易其辭俾人人解奈八
旬老人健忘多矣乙卯苟完聊付剞劂亦
祈不負王令公託耳誌分七卷以萬古斯
文看日星七字爲目淳謹識

新會縣志卷之七畢

重修新會縣誌跋

吾邑故有誌實李世卿氏所
載筆也其後宮詹黃泰泉先
生蒐而輯之亦旣彬彬顧垂
七十年來事變迭更紀載尚
缺文獻足徵似不其然虞石

王侯蒞邑五年治具畢張一日檢舊誌而嘆曰不可當吾世而失紀載廼搜諸曹掾故牘暨訪士紳家乘以及逸史開局纂修而敦請鳴谷黃先生見所李孝廉以如椽之筆

總其事誌成余得寓目焉余嘗聞中國形勢皆發源崑崙蜿蜒而南以及海堧夫海則吾邑襟帶也厓山之外吞天浴日赤縣之南極於此吾邑南鄙亦極於此而邑之發源

北山亦曰崑崙淑氣磅礴走
數百里而爲縣治東則牂牁
環繞挾端溪滇水過九江而
下滙于海有似東溟西則層
巒插霄聯絡擁護亦猶西極
蛾眉諸峯云故嘗私論會雖
一邑槩其幅員殆廣輪之小
者也夫直幅員哉迺事幾亦
徃徃與寓宇相應矣成弘之
際天下重理學於時白沙先
生出爲世儒宗俎豆牆宮晚
近懲于多僞見談性命者鮮

不姍笑則吾邑亦然孰能無
待而興利風未熾天下無事
吾邑亦與之無事自中璫出
遠近疲于奔命而吾邑庚子
之變死縣門者踰五十人計
天下罹稅害者莫此甚矣自
倭蹂躪屬國寇在門庭征兵
轉餉騷然煩費今隱憂固無
已時也蠢爾澳彞亦在我東
偏近迺日以勾倭爲事詰之
則曰爲紅毛番備耳積薪厝
火未可謂安計吾邑之虞澳

新會縣志
四
也不猶天下之虞倭乎今中外物力詘矣採丸肱篋何處蔑有廼邑以山海奧區尤易藪盜水備則虞陸陸備則虞水此其兵脆盜劇又不與天下同患乎夫置吾邑于宇內

何啻黑子之著面廼幅員相彷彿者猶云千一而事幾相感應者蓋已十九然則今計治安者動曰崇正學撫疲黎罷錐刀戒衣衽也大之安天下小之安一邑庸異術乎王

侯宣

當宁德意爲民造命數年間咄
煦窮簷綢繆牖戶法已無不
畢舉而於教化尤三致意今
政通人和舊誌是修夫述已
成之事以詔來茲令世世

方筴踵而行也非嘉惠無窮
不及此而以近知遠以小知
大其有舉而措之之遐思哉
侯聞之曰富哉言乎非不佞
始慮所及也不佞藉手兩先
生以舉曠典竊多兩先生之

勞請以斯言無忘成勞爾何
子曰匪直勞足多也蓋奇足
詫矣夫黃先生壯年解組雖
位不宮詹而抗志烟霞文章
行誼直將與宮詹伯仲李先
生遺榮嗜學足絕公庭方諸

世卿居然鴈行夫載筆四賢
上下百餘年間以學以行以
姓無一不符斯不足詫一時
之奇而為誌添勝事乎且也
昔以隔世各司述作今以同
堂共持交鉞昔以異境第記

所聞今以邑人且述所見相
提而論今之誌豈昔之誌等
乎哉王侯曰然遂以綴於末
簡

明萬曆己酉菊月太僕寺少
卿邑人何熊祥拜撰

